

Pwoo de Juud ran

¹ Juud karem Jesu Kristi, dyemnəən nJemis,
Pə ran lepran dəsə shidəm dəm pee nen də Naan
pərep mo, de Naan puun wur wal mmo, kə mo dee
a de fufwang ndəən Jesu Kristi.

² Naajeel, kə ryang, kə wal wur, mo naa nwu-
rang ndəən wun dək.

Jeel mBə Nenkám *Mə Dung Mo*

³ Sharfen də hakyeng mo, gyet dyyeen fen mbə
kə wen ran də wun nkaa bam de mun kə nə
ashak. Dang mee bii le an ting kə nghan ran
nwun, mbəkə wen caa wun, kə wun sekyeen di
ndəən lek, mbə shinzeen de Naan wur kə ten shin
nen wur de bang mo.

⁴ Mbəde pak gurum mo di, de mo kə den a də
dyeel kə se mo pəgyet kə jì del ndəən wun a səsok.
Nen de mo ciir kə pwoo Naan kə daret wur, mbəkə
mo katpee cìn mbii debish mə nan mo di. Kəzak,
mo cii Daa Jesu Kristi.

⁵ Ko de wuu ten wu man mbii desə mo jir, an pə
rəbet ye wun, kaade gyet Naan wur put kə nen
Izrel mo nyil Ijip. Dang nbwoon mənə, be gyet
Naan wur təkook nen de mo cii shinzeen.

⁶ Kəzak, nenlepnaan de mo yaa peetong mulki
mo retret kas dang mo yit peetong fur mo, be mo
bwoot mo shi tasek də ngha-ngha ndəən peeđe
nə nkwoo, Naan wur le mo a npeemənə, har
parpuus dyyeel nən nji wul.

⁷ Nə akəsə zak, Sodom kə Gomora, kə yil de mo kus kə mo. Gyet yil desə mo shin kaa fur mo, mbə cìn ngaa kə mbii debish mo. Mo dee a nbiikam nen lap kwat nshikbish de mo ndəən wus de nə dəm ngaa-ngaa.

⁸ Nə a ndəən ar desə, be nen desə mo naa suun mo, de nə le mo waa ciir cìn shikbish nkaa sut fur mo. Mo cii dedes Naan, kə mo satpwoo debish nkaa nendəret mo de mo, ndəən dengnaan.

⁹ Mbii de koo a Makiyel de wur a ngwe dedes mə nenlep mo, baa wur mak sat nə kas. Kaade gyet Makiyel kə gujwan mo jiir nkaa kúm Mosis, be baa Makiyel mak wang pwoo, mbəkə wur fələp gujwan de kas, dang wur sat nənee, << Daa ngwak ngha!>>

¹⁰ Dangbe nen desə mo can mbii mo jir de baa mo manshii nə kas, kə mbii də mo manshi nə shi pan mə nan, mo a kaa long mo sə. A mbii mənə moo waa ciir təkook kə mo.

¹¹ Jeel mbə mo, Mbəde moo mwaan a ndəən ar Keen, kə tang ləbet mo ndəən ar de gyet Balaam Deldekə, Mo kə təkook kə mo ndeen təkook kə pee Kora.

¹² Nen desə mo a mbii naashwep dəən kuur fu de mə walshak fu, kaade mo pə se mbiise kə wun nnen kəərmuut. Mo a kaa nen naa long de moo tap a kaasut bəjee dak. Mo a nluu de nə kə fwan kas də kut kə mang del seet kə nə sə. Mo a təng de nə cii làa-làa harwaap jì mang sə. Təng de mo kə bwan seen nə, kə nə dee a də mumuut sə.

¹³ Mo a am de kut kə chut nə balbal ndəən bahar. Mo woo təfil mə mbii naashweep de moo cìn mo zak. Mo a zar de moo mwaan. Naan wur tap dak

mee pee ntun-ntun, derap shekshek, le mbə mo ngha-ngha

¹⁴ Enok, wur a dang depwoovəl ndəən cirem Adam, wur satpwoo nkaa mo nənee, <<Wu naa, Daa wur kə jì kə nenlep wur dəbang mo ngal nkaa ngal mo,

¹⁵ mbəkə mo tokdyeel di ko weyii, kə mo candyeel di mo jir mbə dak dəbish de mo kə cin, Kə jir pwoo dəbuu de nenshikbish desə nə mo kə ten sat nkaa Naan.>>

¹⁶ Nen desə mo naa nkatpwoo ndom ndom, nenyapdəbish ndəən nnyee mo, nen də mo tong a mə cin butdeet, mo kə canpwoo nkaa sut, dang mo caa gurum mo ar dəbish mbə kat ləbet fur.

Pet Pee mBə Wu Dar Balbal

¹⁷ Wun sharfen mo, wen wal nwun sə, taji wu munshik mbii de gyet jeplep Daa fun Jesu Kristi mo sat nwun.

¹⁸ Mo sat nwun nee, <<Ndəən teer mə peekyes nə mo, be nenbákpee, mo njì put, Nen de moo mwaan a ndəən coor mə nan fur mo.>>

¹⁹ A nen desə mo, a nen də mo kə jì kə bakshak ndəən wun, A mo a nen de mo coor mbii dəbish mə yil desə shi məse fuu mo, baa mo kə Riin nNaan kas.

²⁰ Dang wun, sharfen mo de wen wal nwun, wu dyiksuk ndəən shinzeen fuu dəbang, dang Wu leshap kə Naan dəən Riin Dəbang zak.

²¹ Wu lesuk fuu mo ndəən wal Naan, kaade wu leyit nkaa naajeel nDaa Jesu Kristi mbəkə wur jì kə wun di ndəən seen də ngaa-ngaa.

²² Wu naajeel nen de mo dee nket-nket kə wun,

²³ Wu bam pak mo bəkə wu put kə mo di mbut nwus, kə mbə pak mo, bə wu naajeel, reep kə kəərmuut. Dang wu cii lée mo, Mbəde lée nə kə ten dee a derap shi shikbish fuu mo.

Kwoop Naan

²⁴ Pə wur de wur mak fwang wun, mbəkə taji wu táa wu pal kas, kə wur nji kə wun ntoom dedes Naan ndəən retnyit, baa kə mee rap kas.

²⁵ Mu shin ram nNaan dewur mbəshin a Ngubam fun, kə ram, kə Dehai, kə mulki, kə dedes kə bal, ndəən Jesu Kristi Daa fun, pəgyet de yam-yam, ji wul yaksə, kə har ngaa-ngaa! Nə a kəsə.

Manji Yiljep

Mupun New Testament

copyright © 2024 Initiative for the Translation and Development of African Languages and The Seed Company

Language: Mupun (Mwaghavul)

Contributor: Initiative for the Translation and Development of African Languages

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-03

PDF generated using Haiola and XeLaTeX on 10 Sep 2025 from source files dated 3 Jul 2025

77a1013c-7c23-599f-9af1-1adbfc09489